

Мўминнинг безаги



11:00 / 02.09.2021 2427

Поклик – «Таҳорат» сўзи луғатда «тозалик ва озодалик» маъносини англатади. Шариатда эса, у таҳорат, ғусл, таяммум каби намоз ўқиш учун керакли покланишларга айтилади.

Исломда поклик иймондан ҳисобланади. Ислом поклик ва покланиш ишларига ўта жиддий қарайди. Дунёда Исломдан бошқа ҳеч бир дин, тузум ёки фалсафа покликни ва озодаликни иймонга тегишли даражага кўтармаган.

Бир вақтлар Оврупода масиҳий дини ҳукмронлик қилган пайтда поклик гуноҳ ҳисобланган. Кишилар ўзига, кийим-бошига узоқ вақт сув теккизмаганлари билан фахрланганлар. Ҳозирда ҳам кўпчилик назарида поклик тиббий ёхуд шахсий озодалик иши ҳисобланади.

Исломда эса бу иймон иши бўлиши билан бирга, поклик бўлмаса, банданинг ибодати ҳам қабул бўлмайди. Исломда барча ибодатларнинг қабул бўлиши учун аввало, банданинг қалби, нияти пок бўлиши керак.

Қолаверса, ибодатларнинг қабул бўлиши учун инсоннинг бутун танаси, кийим-боши ва ҳатто ибодат жойи ҳам пок бўлиши шарт. Пок бўлганда ҳам каттаю кичик, кўзга кўринадигану кўринмайдиган барча нопокликлардан

холи бўлиши керак. Ана шундок покликка эга бўлмаган банда Аллоҳга ибодат қила олмайди. Яъни, намоз ҳам ўқий олмайди, Қуръон ҳам ушлай олмайди.

Исломда ибодатларнинг қабул бўлиши – поклик асосида адо этилишига боғлиқ. Бизда поклик йўлида қилинган ҳар бир иш юқори баҳоланади ва уни қилган кишига улкан ажр-савоблар, олий мартабалар бор. Бу бобда ана шулар ҳақида сўз юритилади.

﴿نَأْنُوْبُحُيْلَاجِرِهِ طَمْلَابُحُيْلَالَأَوْأُرْهَطَبَتَيِرِهِرَسِنَ﴾

«Унда покланишни яхши кўрадиган эрлар бор. Аллоҳ покланувчиларни яхши кўради». (Тавба сураси, 108-оят).

Аллоҳ субҳанаҳу ва таоло ушбу ояти каримада покликни ва пок кишиларни мадҳ этмоқда. Пок кишиларни яхши кўришини эълон қилмоқда. Бу эса, Аллоҳ таоло томонидан покликка қанчалик эътибор берилишини кўрсатиб турибди. Бу ояти кариманинг ўзи барча инсонлар поклик учун интилиб, бутун дунё покланиш сари юз тутиши учун етарли!

﴿إِلَّا قَمَلَسَوْهِ لَعْنَهُ لَلَّا يَلْصَبُنَلَّا نَعْنَعُ مُلَلَّا يَصْرَرَرَرِهِ لَلَّا يَبْأَنَعْ نَعْنَعَ مَفِيءُ صُولَلَرَاثَآ نَمَنِيلَجَحْمَأَرْغَمَأَيْقَلَأَمْوَيِنَوْعَدِيِنَيْتَمُّأَنِ دُوَادَأَبَأَلَأَسْمَخَلَأَهَاوَرَلَعَفَيْلَفُتَرَعَلَيَطِيِنَأَمْكَنَمَعَاطَسَا﴾

Абу Ҳурайра розияллоҳу анҳудан ривоят қилинади:

«Пайғамбар соллаллоҳу алайҳи васаллам:

«Албатта, умматим қиёмат куни таҳоратнинг асаридан пешоналари оппоқ ва оёқ-қўлларидан нур таралиб турган ҳолларида чақирилурлар. Бас, сиздан ким ўз пешонасидаги қашқасини узайтиришга қодир бўлса, шуни қилсин», дедилар».

Бешовларидан фақат Абу Довуд ривоят қилмаган.

﴿مُلْسُمْلَأَذْبَعْلَأَأَضَوَتَأَذِإِلَّا قَمَلَسَوْهِ لَعْنَهُ لَلَّا يَلْصَبُنَلَّا نَعْنَعُ مَهْرِيَنْيَعَبَأَهْرِلَإِرَطَنِهَئِيَطَحْلُكَوْهَجَوْنَمَجَرَحْهُمْهَجَوْنَمَسَعَفُنَمْفُؤْمَلَأَوَأَنَأَكِهَئِيَطَحْلُكَهَدِيِنَمَجَرَحْهُمْهَدِيِلَسَعَأَذِإِافَءَامَلَأَرْطَقَرَحَأَعَمَوَأَءَامَلَأَكُتَجَرَحَهُمْهَيَلْجَرَلَسَعَأَذِإِافَءَامَلَأَرْطَقَرَحَأَعَمَوَأَءَامَلَأَعَمَهَأَدِيَأَهْتَشَطَلُكَهَتَجَرَحَهُمْهَيَلْجَرَلَسَعَأَذِإِافَءَامَلَأَرْطَقَرَحَأَعَمَوَأَءَامَلَأَعَمَهَأَدِيَأَهْتَشَمِهَئِيَطَحْنَمَأَيِقَنَجَرَحَيِتَجَرَحَءَامَلَأَرْطَقَرَحَأَعَمَوَأَءَامَلَأَعَمَهَأَالْجَرَأَهْتَشَمِهَئِيَطَحْ﴾

Яна ўша кишидан ривоят қилинади:

«Пайғамбар соллаллоҳу алайҳи васаллам:

«Вақтики, мусулмон ёки мўмин банда таҳорат қилса, бас, у юзини ювганида ўша сув ёки ўша сувнинг охирги қатраси ила унинг икки кўзининг назари орқали қилган хатолари юзидан тўкилади. Вақтики, икки қўлини ювса, ўша сув ёки ўша сувнинг охирги қатраси ила унинг икки қўли билан қилган хатолари тўкилади. Вақтики, икки оёғини ювса, ўша сув ёки ўша сувнинг охирги қатраси ила икки оёғи билан юриб қилган хатолари тўкилади. Шундоқ қилиб, у гуноҳлардан пок бўлиб чиқади», дедилар».

Муслим ва Термизий ривоят қилишган.

عُلْبَتْ : لُوقَيْ مَلَسَ وَهِلَعُ مَلَلَ اَلْصَبَنْ عَلَى اَلْمَسْ : لَاقُونَعَ وَهِلَعُ مَلَلَ اَلْصَبَنْ عَلَى اَلْمَسْ :

Яна ўша кишидан ривоят қилинади.

«У киши розияллоҳу анҳу мен ўз халилим соллаллоҳу алайҳи васалламнинг:

«Мўминнинг безаги таҳорат суви етган жойгача етади», деганларини эшийтдим», деди.

Муслим ва Насайй ривоят қилишган.

نَمْ : لَاقُونَعَ وَهِلَعُ مَلَلَ اَلْصَبَنْ لَرَنَعُ مَلَلَ اَلْصَبَنْ يَصَرَّنَامْتُعْ نَعْ .
- تَحَتْ نَمْ جُنْحَتْ هِلَعُ مَلَلَ اَطَحْ وَدَسَجْ نَمْ مَايَ اَطَحْ تَجَرَحْ اُوصُولَنَسْحَافْ اَصَنَوَتْ
مُلْسُمْ هَاوَرْ دَرَافْ طَا :

Усмон розияллоҳу анҳудан ривоят қилинади:

«Пайғамбар соллаллоҳу алайҳи васаллам:

«Ким таҳорат олсаю таҳоратини чиройлик қилса, унинг хатолари жасадидан, ҳаттоки, тирноқлари остидан ҳам чиқиб кетади», дедилар».

Муслим ривоят қилган.

نَمْ : لَاقُونَعَ وَهِلَعُ مَلَلَ اَلْصَبَنْ لَرَنَعُ مَلَلَ اَلْصَبَنْ يَصَرَّنَامْعَنْ بَا نَعْ .
هِلَعُ مَلَلَ اَلْصَبَنْ لَرَنَعُ مَلَلَ اَلْصَبَنْ يَصَرَّنَامْعَنْ بَا نَعْ :

Ибн Умар розияллоҳу анҳудан ривоят қилинади:

«Пайғамбар соллаллоҳу алайҳи васаллам:

«Ким таҳоратнинг устига таҳорат қилса, унга ўнта ҳасанот ёзилади», дедилар».

Абу Довуд ва Термизий ривоят қилишган.

Илм-фан Ислом дини амр қилган покликка риоя қилиш инсон учун, инсоннинг соғлиги учун, турли касалликларнинг тарқалмаслиги учун жуда зарур омил эканини аллақачон исбот этиб қўйган. Биз бу ишни динимиз бундан ўн тўрт аср олдин ибодат даражасига кўтаргани, иймоннинг ярми, деб эълон қилгани ҳақида фахр билан гапиришимизнинг ўзи етарли эмас! Балки бу амрларга амал қилиб, ҳаммага ўрнак бўлишимиз керак. Ўзимиз, кийим-бошимиз, тураг-жойимиз, шаҳар-қишлоқларимиз, ҳамма-ҳамма тарафларимиз поклиги билан бошқалардан ажралиб туриши лозим. Чунки Аллоҳ таоло поклик ҳақидаги буйруқларини айнан бизга юборган.

Қуръони каримнинг поклик ҳақидаги оятлари аввало, сиз билан бизларга хитобан келган, қолаверса, бу ўрганаётган ҳадисларни ҳам Пайғамбаримиз соллаллоҳу алайҳи васаллам бизларга қаратса айтганлар. Демак, покликка амал қилишга ҳаммадан кўра мусулмонлар масъулмиз. Аллоҳга шукрлар бўлсинким, оз бўлса-да, динимиз таълимотларига амал қилинаётган жойларда ҳавас қиласиган покликка эгамиз. Ният шуки, энди бу соҳада тўлиқ озодаликка эришадиган пайт етганини англашимиз керак.

و بِ مُكْرَهٰ طَيْلٍ إِمَّا مُكْبَلٍ عَلَى نَمْرُنْ يَوْمٍ

«Ва сизларга осмондан у билан сизни поклаш учун сув туширур».
(Анфол сураси, 11-оят).

«Олам ва одам, дин ва илм» китоби асосида тайёрланди